

ار-زراين-ووسان-نڱ 90

- 1 وا-رېي ڪيي ا-يڱان ازواڻ-نڱ
غ-زغ-تاسوت ن-تاسوتين.
غ-ور-تا-لولن عيدرارن عولا تسكرت اكال
تگيت-تين بدا تگيت رېي، را-تگت رېي ديما.
- 2 غ-ور-تا-لولن عيدرارن عولا تسكرت اكال
تگيت-تين بدا تگيت رېي، را-تگت رېي ديما.
- 3 ار-ترارات عيمزدغن ن-دونيت س-واكال،
تينيت «ووريات ا-تاروا ن-بنادم.»
- 4 الف ن-وسگاس گان غ-يژري-نڱ
زوند عيضاگام لي-يزرين زوند تاساعت ن-بيض.
- 5 دا-تاويت بنادم زوند انگاي ن-واسيف،
نزري ڪولواغ زوند تاوارگيت،
زوند توگا عيمغين زيڪ صباح.
- 6 تمغي-د زيڪ تنكر توت س-وجدڻيڪ،
تسلاو تيقار س-تدگات.
- 7 نتهلك س-لغاضاب نغوض غ-سخط-نڱ،
تسبايت ڪولو دنوب-نڱ غ-لگدام-نڱ.
- 8 تزودفت ا-رېي غايلي عيدلن غ-وولاون-نڱ،
س-لغاضاب ا-س-ا-تبيت تودرت-نڱ،
زوند تونفوست اد-زراين-ووسان-نڱ.
- 9 سا ن-يد-مراو اد-گان عيسگاسن ن-بنادم،
نغد تام عيد-مراو عي-يان عيصحان.
- 10 عور-گيسن-نزري ابلا تاكرات د-تمارا،
حايئا-س-تمان نايل زغ-غي.
11 ما-يسن جهد ن-سخط-نڱ ا-رېي؟
ما-يسن تيكساض لغاضاب-نڱ؟
12 سلمد-اغ ا-رېي ا-نتحاساب عوسان-نڱ
افاد ا-يعمر-وول-نڱ س-تحکيمت-نڱ.
13 ار ماناگو ا-رېي ا-را-فلائغ-تيلي تاگات؟
حنو فلائغ تووريد-د س-يسمگان-نڱ.
14 تعمات-اغ زيڪ س-تايري-نڱ عيزگان،
ا-نفرح ار-اڪ-نتيرير ڪولو عوسان-نڱ.
15 تفكت-اغ-د ا-رېي عوسان لفرح
عونشك ن-وين-تگوضيوين لي-زغ-اغ-تزريت.
تفكت-اغ-د ا-رېي عيسگاسن لفرح
عونشك ن-وين-تنوكموت لي-فلائغ-يزرين.
16 تملت-اغ-د ا-رېي لقوا ن-يسگيرن-نڱ،
تسبايت-د لمجد-نڱ عي-تاروا-نڱ.
17 ا-فلائغ-ييلي-وفولكي ن-سيدي رېي،
تباركت عيسگيرن ن-يفاسن-نڱ.
د-يسگيرن ن-يفاسن-نڱ، بارڪ-تن ا-رېي.